



**REPÚBLICA DEMOCRÁTICA DE TIMOR-LESTE**  
**MINISTÉRIO DAS FINANÇAS**  
**GABINETE DA MINISTRA**

---

**Diploma Ministerial N° 4/2009,**  
**Dia 30 de Abril**

**ESTATUTU ORGÁNIKU DIRESAUN-JERÁL BA ANÁLIZE NO PESKIZA**

Estatutu Orgániku husi Ministériu Finansas, konstante Dekretu-Lei n°13/2009, 25 Feveiru, kria servisu sentral iha administrasaun direta husi estadu ámbitu Ministériu Finansas, integra, estre sira seluk, Diresaun-Jeral ba Análize no Peskiza, aprova ba ne'e, tuir ne'ebé determina iha artigu 24° husi Dekretu-Lei duni, ninia estrutura orgániku-funsional.

Nune'e, Governu, liu husi Ministra Finansas, haruka, iha artigu 24° Dekretu-Lei n°13/2009, 25 Feveiru, atu publika diploma orgániku tuir mai ne'e:

**KAPÍTULU I**  
**DISPOZISAUN JERÁL**

*Artigu 1°*  
*Objetu*

Diploma orgániku ida ne'e estabeselese estrutura orgániku-funsional Diresaun-Jerál ba Análize no Peskiza husi Ministériu Finansas.

*Artigu 2°*  
*Natureza*

Diresaun-Jerál ba Análize no Peskiza, habadak hanaran DGAP, integra ba administrasaun direta estadu, iha ámbitu Ministériu Finansas.

*Artigu 3°*  
*Misaun e Atribuisaun*

1. DGAP, iha nia misaun atu asegura orientasaun jerál no kordenasaun integrada servisu hotu-hotu Ministériu nian ho kompeténsia iha àrea estatística, makro-ekonomia no Fundu Petróleo.
2. DGAP, kontinua ho atribuisaun hirak tuir mai ne'e:
  - a) Kria no kordena estatística oficial Timor-Leste nian;

- b) Fo asesoria téknika espesializada, iha domíniu dezvoltimentu ekonomia, liuliu, husi dezempeñu finanseiru no justisa fiskal, iha legalidade no objetivu definidu husi Governu
- c) Fo asesoria téknika espesializada iha Administrasaun ba Fundu Petróleo
- d) Sa deit mak hetan atribuisaun husi lei.

**Artigu 4º**  
**Superintendencia**

- 1. Superintendencia DGAP Diretór-Jeral mak aseguira ne'ebé Ministra Finansas mak determina tuir lei.
- 2. Diretór-Jeral hatán ba Ministra Finansas.
- 3. Bainhira Diretór-Jeral sai ba liu ka iha impedimentu ruma ba halo nia kna'ar, entaun Diretór Nasional husi DGAP maka sei substitui turi dezignasaun husi Ministra Finansas, ne'ebé simu proposta ida husi Diretór-Jeral nian.

**KAPITULU II**  
**ESTRUTURA ORGÂNICA-FUNSIONAL**

**SEKSAUN I**  
**ESTRUTURA ORGÂNICA**

**Artigu 5º**  
**Estrutura jeral**

- 1. Integra iha estrutura DGAP :
  - a) Diresaun Nasional Estatística;
  - b) Diresaun Nasional Makro-ekonomia;
  - c) Diresaun Nasional ba Fundu Petróleo;
- 2. DGAP engloba departamentu adisional hirak tuir mai ne'e:
  - a) Departamentu Mikro-ekonomia;
  - b) Departamentu Investigasaun;
  - c) Departamentu Apoiu Administrativu.

**SEKSAUN II**  
**ESTRUTURA NO FUNSIONAMENTU DIRESAUN NASIONAL**

**SUBSEKASAUN I**  
**DIRESAUN NASIONAL BA ESTATÍSTIKA**

**Artigu 6º**  
**Atribuisaun**

Diresaun Nasional Estatística, habadak hanaran DNE, kontinua ho atribuisaun tuir mai ne'e:

- a) Koordena sistema estatística ofisial nasaun nian, hodi garante koerénsia no rasionalidade;

- b) Kompila, analiza, sistematiza, produz no publika dados estatística kona-ba populasaun, empreza no entidade seluk, ho objectivu atu produz no publika informasaun kona-ba situasaun ekonómika, sosial no demográfika Timor-Leste nian;
- c) Garante kordenasaun ba Sistema Estatístiku Nasional (SEN), ne'ebé aprova konseitu, definisaun, nomenklatura, indikadór no instrumentu kordenasaun estatística seluk, tuir padraun informasaun;
- d) Kompila no difunde Konta Nasional no informasaun seluk kona-ba vertente ekonomia oin-oin;
- e) Dezenvolve, atualiza no administra informasaun no rejistu estatístiku tuir prátika informasaun ne'ebé diak liu;
- f) Salvaguarda kompatibilidade sistema informátiku no teknolójiku ho padraun ne'ebé internasionalmente simu no pratika;
- g) Providensia armazenamentu baze dados no garante konfidensialidade dados emprezarial no individual, mantein nafatin observánsia segredu estatístiku;
- h) Prepara, fó no apresenta proposta relativa ba sistema baze SEN, inklui métodu akizisaun, segredu estatístiku, no mos divulgasaun no publikasaun dados no rezultadu;
- i) Diriji organizaun no ezekusaun sensus nasional ba populasaun no domisliu;
- j) Propoen delegasaun kompeténsia DNE nian ba servisu públiku seluk no, ka, determina sesasaun delegasaun hirak ne'e duni;
- k) Sa deit mak hetan atribuisaun husi lei.

### ***Artigu 7º***

#### ***Diresaun no Supervizaun***

1. DNE diriji husi Diretór Nasional, ne'ebé Ministra Finansas mak nomeia tuir lei;
2. Diretór Nasional hatán direktamente ba Diretór-Jerál DGAP;
3. Bainhira Diretór Nasionál sai ba liu ka iha impedimentu ruma ba halo nia kna'ar, entaun Xefe Departamentu husi DGAP maka sei substitui tuir dezinasaun husi Diretór-Jeral, ne'ebé simu proposta ida husi Diretór Nasionál nian

### ***Artigu 8º***

#### ***Estrutura***

DNE engloba Departamentu hirak tuir mai ne'e:

- a) Departamentu Estatística Ekonómika
- b) Departamentu Informátika, Jestaun ba Dados no Diseminaun
- c) Departamentu Operasaun no Metodolojia
- d) Departamentu Administraun

### ***Artigu 9º***

#### ***Departamentu Estatística Ekonómika***

1. Departamentu Estatística Ekonómika, habadak hanaran DEE, mak hanesan organismu DNE responsável ba kestaun ne'ebé relasionadu ho konta nasional no indikadór makro-ekonómiku seluk.
2. Kompete ba DEE, nomeadamente:
  - a) Jere kona-ba rekolla dados relativu ba estatística finanseira governu nian, balansa pagamentu no komérsiu esternu;

- b) Prepara relatóriu anuál kona-ba operasaun departamentu nian;
- c) Partisipa iha preparasaun orsamentu anuál DNE nian;
- d) Dezenvolve planu servisu departamentu nian ba prazu badak, médiu no naruk;
- e) Dezempeña funsaun seluk ne'ebé lei fó ka delega husi Diretór Nasional.

### **Artigu 10º**

#### ***Departamentu Informátika, Jestaun Dadus no Diseminasau***

1. Departamentu Informátika, Jestaun Dadus no Diseminasau, habadak hanaran DIGDD, mak hanesan organismu DNE responsável ba kestaun ne'ebé relasionadu ho infra-estrutura téknika, hanesan komputador, aplikasaun software no ligasaun husi rede, nune'e mos ba atividade estatística prinsipal ne'ebé iha relasaun ho edisaun, mapeamentu, tabulasaun no publikasaun.
2. Kompete ba DIGDD, nomeadamente:
  - a) Ba jere sistema informátika DNE nian;
  - b) Ba jere prosesamentu ba dadus;
  - c) Ba jere diseminasau dadus no publikasaun;
  - d) Prepara relatóriu anuál kona-ba operasaun departamentu nian;
  - e) Partisipa iha preparasaun ba orsamentu anuál DNE nian;
  - f) Dezenvolve planu servisu departamentu prazu badak, médiu no naruk;
  - g) Dezempeña funsaun seluk ne'ebé lei fo ka Diretór Nasional delega.

### **Artigu 11º**

#### ***Departamentu Operasaun no Metodolojia***

1. Departamentu Operasaun no Metodolojia, habadak hanaran DOM, nu'udar organismu DNE ne'ebé resposável ba kestaun ne'ebé relasiona ho infra-estrutura estatística, hanesan rejistu empreza, amostrajen, konsepsaun no ezekeusaun ba rekolla dadus estatístiku, estudu, peskiza, no sensu populasional.
2. Kompete ba DOM, nomeadamente:
  - a) Ba jere manutensaun atualizada baze dadus nian;
  - b) Ho kordenasaun DEE halao estudu empresarial ka produsaun;
  - c) Koordena konsepsaun no ezekeusaun rekola dadus estatístiku, estudu, peskiza, no sensu populasional;
  - d) Koordena no supervizona servisu oficial estatística nian ne'ebé koloka iha distritu no iha departamentu Estadu relevante, hanesan Ministériu Agrikultura no Peska, Edukasaun no Saúde;
  - e) Prepara relatóriu anuál kona-ba as operasaun do departamentu;
  - f) Partisipar iha preparasaun orsamentu anuál DNE nian;
  - g) Dezenvolve planu servisu departamentu ba prazu badak, médiu no naruk;
  - h) Dezempeña funsaun seluk ne'ebé lei atribui ka delega husi Diretór Nasional.

### **Artigu 12º**

#### ***Departamentu de Administrasaun***

1. Departamentu Administrasun, habadak hanaran DA, nu'udar organismu DNE ekivalente ba unidade satélite ne'ebé defini tuir Estatutu Orgániku Diresaun-Jerál Servisu Korporativu, ne'ebé iha misaun atu proporsiona apoiu ba DNE kona-ba matéria relasionadu ho jestaun rekursu umanu, finansa no relatóriu dezempeñu.
2. Kompete ba DA, artikulasaun estreita ho Departamentu no Unidade relevante husi Diresaun-Jerál Servisu Korporativu, nomeadamente:
  - a) Estabelese sistema jestaun pessoal ida tuir lei no norma administrativa mak vigora;
  - b) Estabelese no jere sistema formasaun no desenvolvimentu, no kapasidade;
  - c) Mantein sistema seguru jestaun arkivu rejistu no dokumentasaun;
  - d) Garante apoiu adekuaudu ba DNE kona-ba lojística no servisu administrativu;
  - e) Garante realizasaun planeamentu estratéjiku no planu servisu DNE nian;
  - f) Koordena preparasaun orsamentu anuál DNE nian;
  - g) Garante ezekeusaun orsamental tuir lei no norma administrativa mak vigora hela;
  - h) Dezenvolve planu servisu departamentu ba prazu badak, médiu no naruk;
  - i) Dezempeña funsaun seluk ne'ebé lei fó ka Diretór Nasional delega.

### *Artigu 13º*

#### *Xefia no Estrutura Organizasional Departamentu*

1. Salvu iha kazu DA, departamentu seluk Xefe Departamentu mak xefia nomeadu tui lei.
2. Xefe DA nomeia tuir lei, liu husi proposta conjunta Diretore-Jeral Servisu Korporativu no Análize no Peskiza.
3. Xefe DA hatán perante Diretór-Jerál Diresaun-Jerál Servisu Korporativu iha buat hotu ne'ebé ko'alia kona-ba desenvolvimentu polítika administrativa foun, norma no prosedimentu, nune'e mos ba implementasaun konsistente husi ne'ebé iha, no hatán perante Diretor-Jerál DGAP nian iha buat hotu ne'ebé koalia kona-ba atividade operacional departamentu nian.
4. Departamentu hotu bele, sempre kuandu presiza, tahu iha estrutura iha seksaun oin-oin, tuir ninia área kompeténsia.
5. Definisun kompeténsia no perfil husi xefe no funcionáriu seluk seksaun nian, distribuisun interna kona-ba servisu, nune'e mos ba planifikasaun atividade no respetiva orsamentasaun, halo parte responsabilidade Xefe Departamentu nian, no la presiza aprovasaun husi Diretór Nasional.

### *SUB SEKSAUN II*

#### *DIRESAUN NASIONAL MAKRO-EKONOMIA*

### *Artigu 14º*

#### *Atribuisaun*

Diresaun Nasional Makro-Ekonomia, habadak hanaran DNME, halao atribuisaun hirak tuir mai ne'e:

- a) Analiza no rekomenda polítika tendente ba promosaun dezentvolvimentu ekonómiku no hamenus kiak;
  - b) Fo sai pareser no estudu ne'ebé relativu ba setór públiku no privadu, reforma estrutural, empregu, saláriu, merkadu finanseiru, monopóliu, investimentu no formasaun kapital;
  - c) Elabora previzaun relativa ba kresimentu, ba empregu no ba inflasaun;
  - d) Sa deit mak hetan atribuisaun husi lei..
1. Iha dominiu polítika no programa setoral:
    - a) Kolabora iha defínisaun polítika estrutural dezentvolvimentu nian no respetivu impaktu iha despeza públika no privada iha infra-estrutra, dezignadamente iha investimentu públiku;
    - b) Elabora previzaun reseita orsamental, inklui sektor petrolíferu, husi das reseita tributária doméstika no husi tributasauñ ekstra-fiskal, nune'e mos hakerek testu relevante ba Orsamentu Jerál Estadu nian;
    - c) Fo sai pareser kona-ba polítika fiskal;
    - d) Prepara estudu no fo sai pareser kona-ba estrutura impostu no nível taxas ne'ebé vigora hela;
    - e) Fo sai pareser kona-ba matéria ne'ebé relasiona ho despeza, poupança, investimentu no respetiva implikasaun ho utilizaçauñ Fundu Petrolíferu;
    - f) Analiza nível agregadu despeza médio prazu, inklui ekilíbriu entre Orsamentu Estadu no fundu husi doador no entre despeza kapital;
  2. Iha sektór komérsiu no polítika finanseira, sei kompete ba DNME, atribuisaun hirak tuir mai ne'e:
    - a) Avalia dados estatístiku informasaun no rejional iha domíniu komérsiu no investimentu relevante ba Timor-Leste;
    - b) Fo asesoria iha relasaun no projetu ho organizaçauñ informasaun, ho Banco Mundial, ho Fundu Monetáriu Internasionál no ho Parseiru Dezentvolvimentu, iha àrea polítika ekonómika no orsamental;
    - c) Prepara nota informativa relevante, ekonómika no finanseira, dezignadamente iha àrea dezentvolvimentu, finansiametu esternu no investimentu, ho haree ba nia divulgasaun husi membru Governu, Embaixada no Parseiru Dezentvolvimentu.

### ***Artigu 15º***

#### ***Diresaun no Supervizaun***

1. DNME Diretór Nasionál ida mak diriji, nomeadu husi Ministra Finansas tuir lei;
2. Diretór Nasionál hatán direktamente ba Diretór-Jerál DGAP;
3. Bainhira Diretór Nasionál sai ba liu ka iha impedimentu ruma ba halo nia kna'ar, entaun Xefe Departamentu husi DNME maka sei substitui tuir dezignasaun husi Diretór-Jeral, ne'ebé simu proposta ida husi Diretór Nasionál nian

### ***Artigu 16º***

#### ***Estrutura***

DNME engloba Departamentu tuir mai ne'e:

- a) Departamentu ba Análize Estratéjia Ekonómika;
- b) Departamentu ba Modelajem Makro-Ekonómika no Projesaun;

- c) Departamentu ba Análize Impaktu Makro-ekonómiku no Monitorizasaun;
- d) Departamentu ba Análize Polítika Distribuisaun Rendimentu;
- e) Departamentu ba Análize Polítika Desentralizasaun Fiskal;

### *Artigu 17º*

#### *Departamentu Análize Estratéjia Ekonómika*

1. Departamentu Análize Estratéjia Ekonómika, habadak hanaran DAEE, no nu'udar organizmu DNME resposável ba kestaun ne'ebé relasiona ho dezenvolvimentu estratéjia kresimentu no redusaun kiak.
2. Kompete ba DAEE, halao kargu ba:
  - a) Jere prosesu dezenvolvimentu estatéjia ba kresimentu ekonómiku no ba redusaun kiak;
  - b) Responsbiliza ba identifikasaun setór produtivu ho probabilidade atu sai impulsionador ba ekonomia naun petrolífera hanesan agrikultura no turismu iha área kostal no fatin balun iha foho, forma produsaun oin-oin liuliu iha Díli no limitada servisu pesoal no emprezarial lubun ida;
  - c) Dezempeña funsaun seluk ne'ebé lei atribui ka Diretór Nasional delega.

### *Artigu 18º*

#### *Departamentu Modelajem Makro-ekonómika e Projesaun*

1. Departamentu Modelajem Makro-ekonómika no Projesaun, habadak hanaran DMMEP, mak nu'udar organizmu DNME ne'ebé resposável ba kestaun relasionadu ho dezenvolvimentu no aplikasaun téknika ba estimula senáriu alternativu ba gastu públiku kona-ba kresimentu ekonómiku no balansa pagamentu ba prazu médio no naruk.
2. Kompete ba DMMEP, nomeadamente:
  - a) Dezenvolve atualiza periodikamente verzaun interna kuadru modelu makro-ekonomia, no uza iha preparasaun simulasaun ba prazu naruk kona-ba impaktu makro-ekonómiku polítika fiskal alternativa, tendensia iha ekonomia mundial, nune'e mos ba presupostu relasionadu ho reforma ambiente fasilizador komérsiu nian, no efisiénsia iha investimentu kapital públiku;
  - b) Dezenvolve instrumentu analitiku ne'ebé bele sukat impaktu oin-oin kresimentu sosial no ekonómiku, inklui impaktu iha infrastrurura no iha ambiente, no propoen estatéjia polítika ba hamenus impaktu negativu;
  - c) Institucionaliza kapasidade interna ba dezenvolve, atualiza no refina modelu hirak ne'e, hodi tulun Ministériu Finansas iha ezekusaun funsaun ba garante konsistensia iha polítika makro-ekonómika, entre projesaun rendimentu no despeza, tendensia iha balansa pagamentu, no dezenvolvimentu iha ekonomia real, liuliu iha projesaun kresimentu;
  - d) Dezenvolve Kuadru Fiskal ida ba Médio-Prazu hodi determina envelope ba rekursu destinadu ba orsamentu anuál, no prepara projesaun ba médio-prazu (tinan 4-5) husi reseita doméstika, reseita petrolífera, despesas no montante ne'ebé atu foti husi Fundu Petróleo;
  - e) Analiza despeza mak hala'o dadaun iha ministériu xave;
  - f) Ho kordenasaun husi organismu Estadu iha área reseita nian, inklui Intituisaun Autónoma, no unidade iha ministériu ho atividade iha rekolla ba taxa moderadora no tarifa, prepara estimativa no projesaun futura ba reseita doméstika;

- g) Ho kordenasaun husi Departamentu Análize ba Despeza iha Diresaun Nasional Orsamentu nian, atu identifika nível alternativu ba despeza agregada no dotasaun sektorial iha unidades boot despeza nian, iha kategoria despeza korrente no kapital nia laran, ho espesial énfaze iha identifikaun ba poupanza iha unidade boot ba despeza korrente;
- h) Ho kordenasaun husi Autoridade Bankária Pagamentu no Fundu Monetáriu Internasional, dezenvolve modelu simplifikadu ida ba Programasaun Finanseira ho apoia Ministériu iha garantia konsisténsia polítika makro-ekonomika no prepara projesaun kresimentu ne'ebé koerente;
- i) Identifika impaktu kresimentu ekonómiku iha setór xave ekonomia;
- j) Dezempeña funsaun seluk ne'ebé lei atribui ka delega husi Diretór Nasional.

### *Artigu 19º*

#### ***Departamentu ba Análize Impaktu Makro-ekonomiku no Monitorizasaun***

1. Departamentu ba Análize Impaktu Makro-ekonomiku no Monitorizasaun, habadak hanaran DAIMEM, mak nu'udar organismu DNME ne'ebé responsável ba kestaun relasionada ho kompilasaun semestral indikadór xave ekonomia nian hodi providensia informasaun iha prazu tempu markadu kona-ba evolusaun ekonomia durante tinan sivil, entre produsaun anuál ba Konta Rendimentu Nasional no dadu ekonómiku husi DNE, inklui tendénsia fiskal, reseita no despeza doméstika no tendénsia iha ekonomia real.
2. Kabe mos ba DAIMMM kalkula impaktu inflasionáriu no distinsaun entre rekezitu no prokura ba importasaun iha ekonomia doméstika husi kategoria orsamental maior.
3. Kompete moos ba DAMEM:
  - a) Kalkula impaktu makro-ekonomiku tendénsia iha presu mundial petróleo nian no mos importasaun no importasaun importante ba Timor-Leste;
  - b) Avalia impaktu ekonómiku real ba senáriu alternativu Kuadru Fiskal Médio-Prazu iha inflasaun, empregu, nível salarial no kompetitividade;
  - c) Avalia diskriminasaun entre prokura importasaun no prokura iha ekonomia doméstika ba kategoria maior orsamental;
  - d) Analiza no estima impaktu makro-ekonomiku ba Timor-Leste husi parte tendénsia mundial husi petróleo nia folin, husi esportasaun naun-petrolifera Timor-Leste nian, no husi importasaun esensial ba Timor-Leste;
  - e) Dezempeña funsaun seluk ne'ebé lei atribui ka delega husi Diretór Nasional.

### *Artigu 20º*

#### ***Departamentu ba Análize Polítika Distribuisaun Rendimentu***

1. Departamentu ba Análize Polítika Distribuisaun Rendimentu, habadak hanaran DAPDR, mak nu'udar organismu resposável ba apoio ba Diretór-Jerál DGAP iha análize polítika sosial Timor-Leste, hodi asegura kontribuisaun impaktu polítika sosial iha redusaun kiak no iha promosaun igualdade no kualidade vida populasaun nian tomak no grupu vulnerável liu.



2. Sei mos kompete ba DAPDR, artikula hamutuk ho relevante Diresaun Nasional Ministériu Finansas:
  - a) Analiza mekanismu mak iha no alternativu ba implementasaun transferensia subsidiu sosial no impaktu do kresimentu na distribuisaun do rendimentu;
  - b) Orienta ba unidade análise ba polítika transferénsia iha análise impaktu ekonómiku programa subsidiu mak halao dadaun, no iha forma atu halo sai eficiente liu no ladún gasta, liu husi kordenasaun ho ministériu relevante, instituisaun autónoma no entidade seluk husi sektor públiku ne'ebé responsável ba subsidiu iha agrikultura, liuliu subsidiu ba produtor no konsumidor, nune'e mos ba komersiante husi sektor privadu;
  - c) Kompila no analiza dados kona-ba programa transferénsia públika mak halao dadaun, nune'e mos ba dados kona-ba distribuisaun reseita no impaktu husi nia implementasaun;
  - d) Avalia no analiza eskema Fundu Pensaun funsaun públika;
  - e) Identifika mekanismu alternativu ba implementasaun polítika transferénsia envolve setór públiku no privadu no orienta análise polítika kona-ba impaktu alternativa hirak ne'e, mak hanesan insentivu ba produtor no konsumidor produitu ne'ebé hetan subsidiu, insentivu ba komersiante sektor privadu, no insentivu ba ajente sektor públiku, sempre ke sai nu'udar veikulador diretu ba subsidiu;
  - f) Fo modalidade alternativa transferénsia nian envolve ho partisipasaun boot husi sektor privadu;
  - g) Dezenvolve kritériu hodi determina provizaun tranzitória ba programa transferénsia espesífika, sempre kuandu iha kondisaun mak prezisa tan transferénsia;
  - h) Artikula ho relevante ministériu, hanesan sektor publiku no sektor privadu iha monitorizasaun ba implementasaun polítika sosial;
  - i) Analiza distribuisaun rendimentu;
  - j) Dezempeña funsaun seluk ne'ebé lei atribui ka delega husi Diretór Nasional.

#### *Artigu 21º*

##### ***Departamentu Análize ba Polítika Desentralizasaun Fiskal***

1. Departamentu Análize ba Polítika Desentralizasaun Fiskal, habadak hanaran DAPDF, maka nu'udar organismu ne'ebé responsável ba apoiu ba Diretór-Jerál DGAP iha análise ba polítika desentralizasaun fiskal no nia impaktu iha ekonomia lokal, kobre áreas transferénsia podér ba kobrança impostu no ezekusaun despeza ba munisípiu;
2. Sei mos kompete ba DAPDF:
  - a) Analiza porsaun ba despeza públika ne'ebé atu aloka ba munisípiu uza programa pilotu nu'udar referénsia ba aumentu kustu iha futuru;
  - b) Dezenvolve formatu kuadru despeza, prosesu reseita no orsamentasaun, delegasaun kontabilidade no aprovizionamentu;
  - c) Simplifika modalidade transferénsia fiskal ba munisípiu hodi hadiak efisiensia no efikásia munisípiu iha kontinuasaun meta deenvolvimentu, iha kuadru transparénsia no responsabilizasaun ida nia laran;
  - d) Armoniza siklu planeamentu no orsamentasaun Governu Sentral no munisípiu hodi garante inkluzo no nesetidade no prioridade lokal iha orsamentu nasional;

- e) Dezempeña funsaun seluk ne'ebé lei atribui ka delega husi Diretór Nasional.

**Artigu 22º**

***Xefia no Estrutura Organizasional Departamentu***

1. Departamentu xefia husi Xefe Departamentu ne'ebé nomeadu tuir lei.
2. Departamentu bele, sempre kuandu prezisa, forma iha estrutura ho sekasaun oin-oin, tuir nia área kompeténsia.
3. Definisaun kona-ba kompeténsia no perfil xefe sira no funcionáriu seksaun seluk, distribuisaun interna ba servisu, nune'e mos ba planifikasaun atividade no nia respetiva orsamentasaun, constitui responsabilidade Xefe Departamentu nian, no la prezisa aprovasaun husi Diretór Nasional.

**SUBSEKSAUN III**

***DIRESAUN NASIONAL FUNDU PETRÓLEO***

**Artigu 23º**

***Atribuisaun***

Diresaun Nasional Fundu Petróleo, habadak hanaran DNFP, kontinua ho atribuisaun hirak tuir mai ne'e:

- a) Emiti pareser kona-ba aplikasaun no utilizaun Fundu Petrolíferu;
- b) Analiza evolusaun movimentu finanseiru Fundu Petrolíferu hamutuk ho Orsamentu Estadu;
- c) Kolabora ho entidade interveniente iha jestaun Fundu Petrolíferu;
- d) Sa deit mak hetan atribuisaun husi lei.

**Artigu 24º**

***Diresaun no Supervizaun***

1. DNFP diriji husi Diretór Nasional ida, ne'ebé nomeia husi Ministra Finansas tuir lei;
2. Diretór Nasional hatán direktamente ba Diretór-Jerál DGAP;
3. Diretór Nasional bainhira auzente ka iha impedimentu, Xefe Departamentu ida iha âmbito DNFP nian mak troka, nomeadu husi Diretór-Jerál DGAP, liu husi proposta Diretór Nasional.

**Artigu 25º**

***Estrutura***

DNFP engloba Departamentu hirak tuir mai ne'e:

- a) Departamentu ba Jestaun Fundu Petrolíferu;
- b) Departamentu ba Jestaun Reseita Petrolíferu;

**Artigu 26º**

***Departamentu ba Jestaun Fundu Petrolíferu***

1. Departamentu ba Jestaun Fundu Petrolíferu, habadak hanaran DGFP, mak nu'udar organismu DNFP ne'ebé responsável ba kestaun relasionada ho jestaun aplikasaun no utilizaun Fundu Petrolíferu.
2. Kompete ao DGFP, nomedamente:

- a) Monitoriza dezempeñu jestaun operasionál Fundu Petrolíferu no emiti pareser kona-ba alterasaun apropiada iha jestaun no estratéjia investimentu Fundu no iha lejislasaun Fundu Petrolíferu;
- b) Apoia relevante organismu Estadu iha preparasaun ba análize, estudu, dokumentu no proposta rekomendasaun no pareser kona-ba kestaun relativa ba jestaun no investimentu;
- c) Providensia informasaun ba públiku tuir rekezitu transparensia Lei Fundu Petrolíferu, hanesan Relatório Anuál ba Fundu Petrolíferu, no kontribu ba kapasitasaun interviniente importante husi sosiedade eijerál relativamente ba kestaun Fundu Petrolíferu;
- d) Monitoriza merkadu finanseiru internasional no dezempeñu Fundu Rikeza Soberana seluk, inklui investigasaun, análize no relatóriu públiku ne'ebé emiti kona-ba kestaun ekonómika no finanseira relevante.
- e) Forneser dokumentu, informasaun kona-ba fundu relevante no pareser no rekomendasaun ba Ministra, hodi fasilita prosesu informadu ida kona-ba foti desizaun ba jestaun Fundu Petrolíferu
- f) Prepara relatóriu anuál kona-ba operasaun departamentu;
- g) Partisipa iha preparasaun orsamentu anuál DNFP nian;
- h) Dezenvolve planu servisu departamentu ba prazu badak, médiu no naruk;
- i) Dezempeña funsaun seluk ne'ebé lei atribui ka delega husi Diretór Nasional.

#### *Artigu 27º*

##### *Departamentu Jestaun Reseita Petrolíferu*

- 1. Departamentu Jestaun Reseita Petrolíferu, habadak hanaran DGRP, nu'udar organismu DNFP ne'ebé responsável ba kestaun relasionada ho estimativa no monitorizasaun kobransa ba reseita petrolíferu.
- 2. Kompete ba DGRP, nomeadamente:
  - a) Mantein no dezenvolve modelu reseita petrolíferu no nia dados, no determina presupostu relevante ba aplika iha kálkulu;
  - b) Emiti pareser kona-ba transferénsia Fundu Petrolíferu ba Orsamentu Estadu, deskreve implikasaun estratejia oin-oin kona-ba polítika fiskal no analiza medidas nesesária hodi reduz vulnerabilidade ekonomia doméstika no impaktu política fiskal ba alterasaun iha **exógena** oin-oin;
  - c) Servisu iha kordenasaun ho organismu relevante husi Ministériu Finansas kona-ba kestaun relasionadu ho rejime fiskal no sektor petrolíferu, funsiona nu'udar kontraparte ba kestaun ne'ebé referente ba petróleo;
  - d) Emiti pareser kona-ba transparénsia no responsabilizasaun, tuir Inisiativa Transparénsia Indústria Estrativa, partisipa iha Grupu Servisu Nasional relativu ba Inisiativa Transparénsia Indústria Estrativa
  - e) Prepara relatóriu anuál kona-ba operasaun departamentu;
  - f) Partisipa iha preparasaun orsamentu anuál DNFP nian;
  - g) Dezenvolve planu servisu departamentu iha prazu badak, médiu no naruk;
  - h) Dezempeña funsaun seluk ne'ebé lei atribui ka delega husi Diretór Nasional.

#### *Artigu 28º*

##### *Xefia no Estrutura Organizasional Departamentu*

1. Departamentu xefia husi Xefe Departamentu ida ne'ebé nomeia tuir (nos termos) lei.
2. Departamentu bele, kuandu sempre prezisa, tau iha estrutura iha seksaun oin-oin, tuir nia área kompeténsia.
3. Definisaun kompeténsia no perfil xefe no funsióriu seluk husi seksaun, distribuisaun interna kona-ba servisu, nune'e mos hanesan ba planifikasaun atividade no respetiva orsamentasaun, constitui responsabilidade Xefe Departamentu, no la prezisa aprovasaun husi Diretór Nasional.

#### ***SUBSEKSAUN IV*** ***DEPARTAMENTU ADISIONAL***

##### ***Artigu 29º***

##### **Departamentu Mikro-ekonomia**

1. Departamentu Mikro-ekonomia, habadak hanaran DME, nu'udar organismu DGAP ne'ebé iha misaunatu apoia Diretór-Jerál DGAP nian iha análize ba polítika investimentu Timor-Leste no garante uza análize ba kustu no benefísiu iha servisu preparasaun projetu, fo especial atensaun ba projetu kapital referénsia, avalia potenciais impaktu ba investimentu kona-ba empregu, kiak no ambiente.
2. Kompete ba DME, ho artikulasaun besik ho relevante Diresaun Nasional no Departamentu Ministériu Finansas, nomeadamente:
  - a) Revé no analiza polítika resente kona-ba investimentu Timor-Leste;
  - b) Servisu iha kordenasaun ho instituisaun Governu seluk ne'ebé lida ho kestaun investimentu;
  - c) Avalia projetu kapital nian, promove no garante uza análize kustu no benefísiu;
  - d) Avalia impaktu potencial husi investimentu kona-ba empregu, kiak no ambiente;
  - e) Identifika projetu alternativu kapital nian hodi asegura apoiu nesésáriu infra-estrutura nian ba atividade hirak ne'e;
  - f) Iha kordenasaun ho DNME, avalia karteira investimentu proposta ministériu nian esensial, avalia no analiza risku investimentu no konsidera risku projetu iha referénsia individual;
  - g) Prepara relatóriu anuál kona-ba operasaun departamentu;
  - h) Dezempeña funsaun seluk ne'ebé lei atribui ka delega husi Diretór-Jerál.

##### ***Artigu 30º***

##### ***Departamentu Investigasaun***

Departamentu Investigasaun, habadak hanaran DI, nu'udar organismu DGAP ne'ebé iha misaun atu hala'o investigasaun nível aas relativamente ba polítika ekonómika no desenvolvimentu setór esensial no estratéjiku, iha kordenasaun ho Diresaun Nasional seluk no departamentu DGAP.

##### ***Artigu 31º***

##### ***Departamentu Apoiu Administrativu***

1. Departamentu Apoiu Administrativu, habadak hanaran DAA, nu'udar organismu ekivalente ba unidade satélite definida tuir Estatutu Orgániku Diresaun-Jerál Servisu Korporativu, ne'ebé iha misaun atu proporsiona apoiu ba DGAP, esepu DNE, kona-ba matéria relasionadu ho administrasaun jerál, jestaun rekursu umanu, finansa no relatóriu dezempeñu nian.
2. Kompete ba DAA, ho artikulasaun besik ho Departamentu no Unidade relevante Diresaun-Jerál Servisu Korporativu, nomeadamente:
  - a) Estabeles sistema jestaun pesoal tuir lei no norma administrativa ne'ebé vigora;
  - b) Jere espediente no arkivu;
  - c) Garante apoi adekuaudu ba DGAP kona-ba lojística no servisu administrativu;
  - d) Garante realizasaun planeamentu estratéjiku no planu servisu DGAP nian;
  - e) Koordena preparasaun orsamentu anuál DGAP nian;
  - f) Garante ezekusaun orsamental tuir lei no norma administrativa ne'ebé vigora;
  - g) Prepara relatóriu anuál kona-ba operasaun husi departamentu;
  - h) Dezenvolve planu servisudepartamentu ba prazu badak, médiu no naruk;
  - i) Dezempeña funsaun seluk ne'ebé lei atribui ka delega husi Diretór-Jerál.

### ***Artigu 32º***

#### ***Xefia Estrutura Organizasional Departamentu Adisional***

1. Salvo iha kazu DAA, departamentu adisional seluk xefia husi Xefe Departamentu ida ne'ebé nomeia tuir lei.
2. Xefe DAA hetan nomeasaun tuir lei, liuhosi proposta conjunta husi Diretór-Geral Servisu Korporativu no Análize no Peskiza.
3. Xefe DAA hatán perante Diretór-Jerál Diresaun-Jerál Servisu Korporativu ba buat hotu ne'ebé ko'alia kona-ba dezentvolvimentu polítika administrativa foun, norma no prosedimentu, nune'e mos ba implementasaun konsistente husi ezistente, no hatán perante Diretor-Jerál DGAP ba buat hotu ne'ebé ko'alia kona-ba atividade operasionál departamentu nian.
4. Departamentu bele, kuandu sempre presiza, tau iha estrutura seksaun oin-oin, tuir nia área kompeténsia.
5. Definisau ba kompeténsia no perfil husi xefe no funcionáriu sira seluk husi seksaun, distribuissau interna kona-ba servisu, no mos ba planifikasaun atividade no nia respetiva orsamentasaun, konstitui responsabilidade Xefe Departamentu nian, no la presiza aprovasau conjunta Diretór-Jeral husi Diresaun-Jerál Servisu Korporativu no DGAP.

### ***KAPITULU III***

#### ***ATRIBUISAUN NO KOMPETÉNSIA HUSI KARGU DIRESAUN NO XEFIA***

### ***Artigu 33º***

#### ***Diretór-Jerál DGAP nian***

1. Diretór-Jerál DGAP nu'udar entidade Ministériu Finansas ne'ebé téknikamente superintende ba Diresaun Nasional no Departamentu adisional Diresaun-Jerál ida ne'e, halo supervizaun ba rigor tékniku kona-ba ezekusaun polítika, planu, programa, orsamentu, norma no prosedimentu aprovaudu ba área kompeténsia DGAP nian.
2. Kompete ba Diretór-Jerál, nomeadamente:

- a) Superintende servisu DGAP nian, koordena no diriji actividade tuir lei no tuir orientasaun Ministra Finansas nian;
- b) Garante monitorizasaun no avaliasaun polítika, planu, programa, orsamentu no prosedimentu aprovalu ba área kompeténsia DGAP;
- c) Aprova norma administrativa no, ka, instrusaun ne'ebé presiza ba funcionamento DGAP;
- d) Propoen nomeasaun funcionáriu ba kargu xefia iha ámbitu DGAP, tuir lei;
- e) Ezerse autoridade administrativa no disciplinár kona-ba pessoal hotu-hotou husi DGAP, inklui halo prosesu avaliasaun ba dezempeñu, instaurasaun prosesu disciplinar no aplikasaun sansaun tuir lei;
- f) Partisipa iha reuniaun Konsellu Konsultivu ba Jestaun no Finansas;
- g) Emiti pareser no providensia apoiu tékniku iha nia área kompeténsia ba Governu einjerál no, iha partikular ba Ministra ka ba Vise-Ministru Finansas;
- h) Ezerse kompeténsia sira seluk ne'ebé konfere tuir lei ka delega husi Ministra ka Vise-Ministru Finansas.

#### ***Artigu 34º***

##### ***Ba Diretór Nasional DGAP nian***

1. Diretór Nasional DGAP nian nu'udar entidade Ministériu Finansas ne'ebé jere no supervizona téknikamente departamentu na Diresaun Nasional ne'ebé kompete, garante rigór tékniku iha implementasaun kompeténsia ne'ebé atribui ba nia respetiva Diresaun Nasional.
2. Kompete ba Diretór Nasional, nomeadamente:
  - a) Asegura lideransa téknika no garante jestaun operasionál Diresaun Nasional ne'ebé kompete ba nia, hodi nune'e garante kabál ezekusaun kompeténsia no atribuisaun Diresaun Nasional ne'e rasik, tuir lei no iha harmonia ho orientasaun husi Diretór-Jerál;
  - b) Hala'o monitorizasaun no avaliasaun ba programa, planu no atividade husi departamentu ne'ebé integra iha Diresaun Nasional ne'ebé kompete ba nia;
  - c) Prepara instrusaun nesesária ba funcionamentu departamentu ne'ebé integra ba Diresaun Nasional ne'ebé kompete ba nia, no apresenta ba desizaun superior;
  - d) Ezerse autoridade administrativa no disciplinar kona-ba pesoal ne'ebé integra ba Diresaun Nasional ne'ebé kompete ba nia, inklui halo prosesu no avaliasaun ba dezempeñu, instaurasaun ba prosesu disciplinar no aplikasaun sansaun tuir lei;
  - e) Partisipa iha reuniaun rutina ne'ebé estabelese ba DGAP;
  - f) Emiti pareser no providensia apoiu tékniku iha ninia área kompeténsia ba Diretór-Jerál;
  - g) Ezerse kompeténsia seluk ne'ebé administra tuir lei ka delega husi Diretór-Jerál.

#### ***Artigu 35º***

##### ***Ba Xefe Departamentu***

1. Xefe Departamentu nu'udar entidade DGAP ne'ebé supervizona téknikamente departamentu ne'ebé kompete ba inklui seksaun, se iha kazu ne'e, fo garantia ba rigór tékniku iha implementasaun kompeténsia ne'ebé atribui ba ninia respektivu departamentu.
2. Kompete ba Xefe Departamentu nian, nomeadamente:
  - a) Superintende servisu husi respektivu departamentu, koordena no diriji ninia atividade tuir lei no tuir orientasaun husi Diretór Nasional;
  - b) Garante monitorizasaun no avaliaun polítika, planu, programa, orsamentu no prosedimentu aprovaudu ba nia respektivu departamentu;
  - c) Propoen ba autoridade competente norma administrativa no, ka, instrusaun nesesária ba implementasaun atribuisaun no kompeténsia husi respektivu departamentu;
  - d) Ezerse autoridade administrativa no disiplinár kona-ba pesoal hotu-hotu husi respektivu departamentu, inklui halo prosesu ba avaliaun dezempeñu, ba instaurasaun prosesu disiplinár no aplikasaun sansaun tuir lei;
  - e) Ezerse kompeténsia seluk ne'ebé konfere tuir lei ka delega husi Diretór Nasional.
3. Xefe Departamentu hatán direktamente ba Diretór Nasional ka Diretór-Jerál, konforme kazu.
4. Xefe Departamentu mak hanesan superior imediatu husi Xefe Seksaun ne'ebé iha respektivu departamentu.

***CAPITULO IV  
DISPOZISAUN FINAL NO TRANZITÓRIA***

***Artigu 36º***

***Pesoal***

1. Pesoal nesesáriu ba hala'o kargu direasaun no xefia konstante husi diploma nomeia tuir lei.
2. Iha kazu interrupasaun, tanba falta funsionáriu competente ba hala'ao kargu direasaun no xefia, Ministra Finansas, ho kualidade entidade tutelar ne'ebé superintende superiormente ba Ministériu Finansas, bele delega kompeténsia hirak ne'ebé komprovaudu méritu, konsta ho dokumentu eskritu no refere nia alkanse no durasaun;
3. Depoisde tama iha vigor diploma ida ne'e tenki ba kedas ho definisaun kuadru pesoal husi respektivu departamentu no unidade, hanesan mos ba definisaun husi respektivu konteúdu funsional, no hala'ao prosesu rekrutamentu, konfirmasaun ka transferénsia funsionáriu ba prieximentu vaga.

***Artigu 37º***

***Tama iha vigor***

Diploma ida ne'e tama iha vigor iha lora publikasaun.

Aprovadu husi Ministra Finansas no haruka publika iha Jormal Repúblika iha Dili, Timor-Leste, iha loron .....Abril 2009.

Emilia Pires  
Ministra Finansas